

www.BibleForChildren.org




Yohana 14



Yesu akëëndërëra kobheeghi akabhugha,
"Motiitumata mo-metema gheenyu, momokumi
Waryobha, wiiki monkumi na neeni. Mo-nyumba
e Taata waane haanyi no obhwikari bhwaru."




"Aribha taanyi hang'u, nengabhabhooriire.
Ibheere ^neeghaye kobhasëëmëra obhwikari.
Eriibhagha neeghuye na kobhasëëmëra obhwikari,
nekuucha wiiki kobhiimoki kubha ahaghiro hano
neekubha, na niinyu
mubhe-ho."



Eni Yohana n-omokumi omughëndi waanyu
neenyi. Nighöötiine na niinyu ghoghumereri
kunyaaka gho ghiri e Yesu Kirisito no


obhutëmi bhooche.




Neere nihööchëriiru mo-gheghinga ke mo-nyancha
kino ghekobherekeru Bhaatimo. :Niihööchëriiru
iyo gho ghiri e kuraghani ang'ana e

Ryobha, na koruusi
obhwibhateri ighoro


e Yesu.




Hayo hayo Akörö Ahörëëru ekanyiikera, nekarighi iyo
Mwishaaro eghetumbe ghe ghitëmi, umu ikeere-mu.




Niho nekooghu ebhetyenyi bhyose iyo Mwisharo,
na mo-se, na nyaari, na mo-nyancha bhereemba
haghirohamu, "Uyo ikeere
mo-ghetumbe ghe
ghitëmi, no Omoona o
Ng'öndu, bhaghongibhu,
na bhasooku,
nabhabhe no
obhokumi
obhokoro
no obhotoro
emiishe ne
emiishe!"




Nekamara nekarighi omoghya omutööbhiyu, niwe
Yerusareemu ahë, oriika koru Mwishaaro kwo
Waryobha. Omoghya uyo noore uchöchuru kinya
bhuure omokwiru ahaachöchu kwo mosubhe waache.




Nekooghu eriiraka ikoro koru mo-ghetumbe ghe
ghitëmi, rerabhugha, "Mutëghëërëra! Obhwikari
bho Ryobha n-haghirohamu na abhaato. Ndegghuköra
obhwikari bhooche haghirohamu na abhaato, nabho
mbaakubha
abhaato
bhaache,
naryo
ndeekubha
Eryobha
reebho."



Akamara marayika uyo akanyëërëki orooche ro
manche gha bhuhöru, ndoore rorabhari kinya
ekiröri na ndorweriire irungu re ghetumbe
ghe ghitëmi ke Ryobha no Omoona o Ng'öndu.




Omoghya uyo toonyi na amända gha bhwero
bho ryobha hamu omwëri, gho kubha obhokumi
obhokoro bho Waryobha mbokowurëngareri,
no Omoona o Ng'öndu niwe oromore rooche.



Amare ghetaanyi-ho ghyokyose kino
keenyi gheghonchu kino gheghusöha
mo-moghya uyo, koru omooto
wowoose uno aghuköra
amang'ana gha
chaasoni hamu
ghosiikëra
obhuröngö.

Amare, abhaato
bhano bhaghusöha
mo-moghya uyo
m-bhaare amariina
ghaabho ghaandëkuru
mo-Ghitabhu ke Bhuhöru
ke Omoona o Ng'öndu.



"Ndeghutareki changishori
cheebho choose. Eriibhagha riyo,
abhaato bhataaghoku koru
kwihiinyërëra. Hataakubha ne
eriirera koru kubhabhara, gho
kubha amang'ana gha kare
ngaakubha ghahetiri."



Omoghya uyo tookubha ne egheghiro ghyokyose kino
kiihiimuru ne Eryobha. Eghetumbe kiire ghe ghitëmi
ke Ryobha no Omoona o Ng'öndu ngeekubha-mu.

Abhatamishi bha Ryobha mbakorisëngëra. Mbakorighi
obhosho bhooche,

no omooto woose
nakwandëku

eriina re


Ryobha

mo-bhosho


bhooche.



Nekarighi abhaku bhoose, bhano bhaanyi ne emyeya
na bhano bhataanyi ne emyeya bhiimeeriire ambërë e
eghetumbe kiire ghe ghitëmi. Niho ebhitabhu bhino
bhyandëkuru amaköri gha bhaato bhoose
bhekahunyuru. Wiiki eghitabhu ekende
ghekahunyuru, kiyo n-Eghitabhu
ke Bhuhöru keere.



Abhaku bhayo :mbaateniiru ekiina kurëng'aana na
amaköri ghaabho ghano :ghaandëkuru mo-ghitabhu
muyo. No omooto wowoose uno eriina reeche
retaandëkuru mo-Ghitabhu ke Bhuhöru,
woose narëkiiru mo-nyancha e mororo.



Akörö e Ryobha no omokwiru mbakomobherekera
Omutëmi bharabhugha, "Nuuche!" Na abhaato bhoose
bhano bhakooghu amang'ana ghayo bhabhughe,
"Nuuche!" Wowoose uno anyi na anyööta, uno akwënda
amanche, ache anyo amanche gha bhuhöru bhoowa.



Mbe, gho
kubha Eryobha
:ndeebhasiighiri abhaato bhoose bha
mo-se ino, koru rekamoruusi Omoona
waache omwene chiri, kubha omooto
wowoose uno akomokumi
atarumëëra, amare abhe no
obhuhöru bho miishe
ghyose.



Abharuumi 3:23

gho kubha abhaato bhoose mbaköriri amasari ne
eriimanya reebho retaakwërëki obhokumi obhokoro
bho Ryobha.

Abharuumi 6:23

Omooto wowoose uno anyi omusësë o masari, amareho
ghaache n-oroko ro miishe ghyose. Amare itu, Eryobha
ndeghotuha obhuhöru bho miishe ghyose. Obhuhöru
bhuyo taanyi amareho, amare n-atuho ino
toghosong'aana kohetera Kirisito Yesu, Omutëmi wiito.

Abheebhuraaniya 9:27

Omooto woose nahaaku mara rimu hang'u, aramara
ghoku, Eryobha remotenera ekiina.



Abhaebheeso 2:8,9

Mbe, hang'u nibhu aghareeya e Ryobha ebhatooriri, gho nchëra e komokumi Yesu Kirisito. Obhotoori bhuyo bhotabhönëkiri gho ghwiköng'i koonyu, Eryobha niryo retoheere kinya atuho. Tabhatooriri kwo maköri ghaanyu, omoto wowoose ataacha kwihacha.

Abharuumi 10:9,10

Ang'ana iyo n-kubha, orasiikëra koru mo-monu waacho iye omwene kubha, "Yesu n-Omutëmi," na ghokumi mo-motema waacho kubha Eryobha : ndeemoryokiri koru mo-bhaku, noghotooribhu ne Eryobha. Omoto aramokumi Yesu Kirisito mo-motema waache, niho akubhareru kubha naanyi no obhuhëënë ambërë e Ryobha. Ariishereri komokumi kwo monu waache, niho aghotooribhu.



Yohana 3:16,17 Mbe, gho kubha Eryobha
: ndeebhasiighiri abhaato bhoose bha mo-se ino, koru
rekamoruusi Omoona waache omwene chiri, kubha
omoto wowoose uno akomokumi atarumëëra, amare
abhe no obhuhöru bho miishe ghyose. Eryobha
retaamotomiri Omoona waache kubha atenere abhaato
ekiina, amare abhaato bhatooribhu gho kohetera iwe.

1 Yohana 5:11-13 Obhuhëënë bhuyo nibho bhuno,
Eryobha ndetoheere obhuhöru bho miishe ghyose.
Obhuhöru bhuyo ntokobhubhöna gho nchëra e ghokumi
Omoona waache. Wowoose uno anyi no obhumu no
Omoona o Ryobha, naanyi no obhuhöru bhuyo. Amare uno
ataanyi no obhumu no Omoona o Ryobha, tabhughöötë
obhuhöru bhuyo. ^Nekabhaandëkëra amang'ana ghayo,
inyu bhano moghokumi Omoona o Ryobha, kubha
mumënyë moonyi no obhuhöru bho miishe ghyose.



Yohana 14; 2 Abhakorinto 5;
Obhohunyurëru. 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Ikoma-Nata-Isenye Bible (ntk) © 2022 Wycliffe Bible
Translators, Inc. All rights reserved

<https://live.bible.is/bible/NTKWYI/MAT/1>

©2026 Bible for Children, Inc.

www.M1914.org

www.bibleforchildren.org

